



**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 107. Tres amplissimæ Constitutiones prædictæ Clementis VIII. Pauli
V. Urbani VIII. cum omnibus aliis Brevibus inibi insertis inveniuntur
confirmatæ, & roboratæ ab Innoc. XI. etiam usque ad ...

[urn:nbn:de:hbz:466:1-64103](#)

ejusdem Sanctæ Romanæ Ecclesiæ Cardinales, etiam à latere Legatos, & Vice-Legatos, dictæque Sedis Nuncios judicari, & diffiniri debere; injustumque & inane, quidquid securus super his à quoquam scienter, vel ignoranter contigerit attentari. Quocirca dilectis Filii Causarum Curiæ Cameræ Apostolicæ Generali Auditori, ac Thesaurario ac Archidiacono Ecclesiæ Hispalensis per Apostolica Scripta mandamus; quatenus ipsi vel duo, aut unus eorum, per se, vel alium, seu alios (quoties, ubi, & quando) pro parte. &c. Non obstantibus, &c.

Ulterius repræsentatur, quod prædictæ Clementis VIII. & Pauli V. confirmatoriae literæ, ac memorata Urbani VIII. Constitutio: *In plenitudinem* incipiens literatum Apostolicarum in ea nominatarum in specie innovativa (cujus usus ratione mutua communiationis, ibi inter Ordines Prædicatorum & Minorum & utriusque sexus personas, tam Religiosos quam Sæculares, ad dictos Ordines spectantes, de novo concessæ Familia prædictæ licitus ostenditur in forma authentica, & per extensum cum aliis prædictis literis in eis relatis,) sacræ Episcoporum & Regularium Congregationi ab Instante fuerunt præsentatae. De cuius consilio ad favorem omnium & singularum utriusque sexus præmemoratarum Personarum religiosarum, sub dicta Obedientia degentium, nec non Beneficiorum, ac Tertiiorum sæcularium, & Confratrum utriusque sexus, directioni Ministri Generalis totius Ordinis Fratrum Minorum suppositorum, à Sanctitate Domini nostri Innocentii XI. sub forma sequenti reperiuntur confirmatae.

CVII. *I*nnocentius Papa XI. ad futuram rei memoriam. Exponi Nobis nuper fecit dilectus Filius Franciscus Diaz, à S. Bonaventura charissimi in Christo Filii nostri Caroli Hispaniarum Regis Catholici Concionator,

& Theologus, ac in Romanâ Curiâ pro Ultra-Montanâ Familiâ, Ministro Generali Ordinis Fratrum Minorum S. FRANCISCI de Observantia nuncupatorum, subiectâ, Commissarius Generalis. Quod privilegia, gratiae, concessiones, favores, & Indulgentiae etiam plenariae, ac poenitentiatum relaxations, cæteraque Indulta, Ordinibus, Congregationibus, Confraternitatibus, Dominibus, Ecclesiis, Locis, Benefactoribus, ac omnibus, & singulis utriusque sexus Personis, obedientiae, seu directioni prædicti Ministri Generalis Fratrum Minorum subiectis, olim ab Apostolica Sede concessa, seu communicata, per plurimum Romanorum Pontificum, Prædecessorum nostrorum constitutions, & præcipue per literas felicis recordationis Clementis VIII. incipientes: *Ratio Pastoralis.* &c. Anno millesimo, quingentesimo, nonagesimo septimo expeditas; ac Pauli V. quæ incipiunt: *Injunctioni nobis.* &c. Anno millesimo, sexcentesimo nono concessas. Et Urbani VIII. Romanorum Pontificum Prædecessorum nostrorum pariter, incipientes: *In plenitudinem.* Et tertio Idus Maii. Anno millesimo, sexcentesimo, vigesimo quinto datas, confirmata; & sub aliquibus modificationibus innovata fuerint: Unde præfatae utriusque sexus Personæ, obedientiae seu directioni dicti Ministri Generalis subiectæ; quibus memorata Communicatio Privilegiorum, Indulgentiarum, & Concessioneerum, tam inter se, quam cum aliis Ordinibus, Congregationibus, & Societatibus etiam JESU ac Confraternitatibus concessa fuit, juxta Clausulas, & Praescriptum dictarum literarum Apostolicarum, & cum restrictionibus in illis appositis, & non aliter fuerunt concessæ.

Cùm autem (sicut eadem expositio subjungebat ut præmissa firmius subsistant, & conserventur) præfatus Franciscus Commissa-

missarius Generalis Curiæ prædictas *Clementis*, ac *Pauli* & *Urbani* Prædecessorum literas, cum Clausulis in iisdem contentis, à Nobis innovari; & omnes aliorum Romanorum Pontificum Successorum Concessiones, ad favorem dictorum Ordinuum, Congregationum, Confraternitatum, Locorum, Beneficiorum, & aliarum utriusque Sexus Personarum, prædictæ Obedientia seu Directioni subjectarum expeditas, Apostolicæ Confirmationis nostræ patrocinio communiri plurimùm desideret; Nos ipsius Francisci Commissarii Generalis Curiæ votis, hac in re (quantum cum Domino possumus) favorabiliter annuere volentes, eumque à quibusvis Excommunicationis, Suspensionis, & Interdicti, aliisque Ecclesiasticis Sententiis, Censuris, & Pœnis, à Jure, vel ab homine, quavis occasione vel causâ latis (si quibus quomodolibet innodatus existit) ad effectum præsentium duntaxat consequendum, harum serie absolventes, & absolutum fore, censentes: supplicationibus ejus nomine Nobis super hoc humiliter porrectis inclinati, de Venerabilium Fratrum Nostrorum sanctæ Romanæ Ecclesiæ Cardinalium negotiis, & consultationibus Episcoporum, & Regularium præpositorum consilio, & attentâ relatione: quam Venerabilis eriam Frater noster Alderanus Episcopus Portuensis ejusdem sanctæ Romanæ Ecclesiæ Cardinalis Cybo nuncupatus, dicti Ordinis apud Nos, & Sedem Apostolicam Protector, eidem Cardinalibus super præmissis fecit: prædictas *Clementis*, incipientes: *Ratio Pastoralis*, &c. & *Pauli*, quarum initium: *In iunctu nobis*, &c. & *Urbani* Prædecessorum, quæ incipiunt: *In plenitudinem*, &c. aliotumque Romanorum Pontificum Successorum literas super præmissis respectivè emanatas [dummodo tamen sint in usu, nec sint revocatae, aut sub aliqua revocatione comprehensa

Vinea Seraphica.

sacrisque Canonibus & Concilii Tridentini Decretis, ac posterioribus Constitutionibus, & Ordinationibus Apostolicis, regularibus que Ordinis prædicti Institutis non aduersentur] Authoritate Apostolicâ, tenore præsentium, confirmamus & approbamus; illisque inviolabilis Apostolicæ firmitatis robur adjicimus; salvâ tamen semper in præmissis Authoritate Congregationis memoratorum Cardinalium.

Decernentes: præsentes literas semper firmas, validas, & efficaces existere, & fore, subique plenarios & integros effectus sortiri & obtinere; ac illis [ad quos spectat, & pro tempore spectabit] plenissime suffragari, sique in præmissis per quoscunque Judices ordinarios, & delegatos, etiam Caularum Palatii Apostolici Auditores, judicari, & definiri debere, ac irritum & inane, si secus super his à quoquam, quavis auctoritate, scienter, vel ignoranter contigerit attentari; in contrarium facientibus non obstantibus quibuscumque. &c.

Volumus autem, ut earundem præsentium literarum transumptis, seu exemplie etiam impensis, manu alicujus Notarii publici subscriptis, & Sigillo Personæ in Ecclesiastica dignitate constitutæ munitis, eadem prorsus fides ubique locorum, tam in Judicio, quam extra illud habeatur, quæ ipsis præsentibus haberetur; si forent exhibitæ vel ostensæ. Datum Romæ apud S. Mariam Majorem sub annulo Piscatoris. die 5^{ta} Septemb. anno millesimo sexcentesimo octuagesimo sexto, Pontificatus nostri anno decimo.

G. Cardinalis Slusius.

CVIII. Cumque Nobis summopere cordi sit, & nostrum munus ac officium expolet; ut omnes Constitutiones, Privilegia & Literæ Apostolicæ suos plenarios

Q

inte-

